



Broj: 04-40-1-363/24
Sarajevo, 29.12.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 28.12.2024. do 08:30 sati 29.12.2024. godine**

Na prijedlog Stručnog tijela, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo proglasilo je jučer epizodu „Upozorenje“ za područje Kantona Sarajevo, uz primjenu interventnih mjera zbog zagađenja zraka. Zabilježeno je kontinuirano povećanje zagađujućih PM10 materija kao i povećana koncentracija SO2 na području cijelog Kantona. Stručno tijelo kontinuirano prati stanje, kao i podatke sa kantonalne mreže mjernih stanica, te će nastaviti obavještavati javnost o kvalitetu zraka u KS.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 intervencija: dvije intervencije na gašenju brojila električne energije, jedna na gašenju stuba za prijenos električne energije i četiri intervencije obezbjeđenja (pretakanje goriva na Aerodromu i tri javna događaja).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije utvrdili su slijedeće stanje:

1. Lokalitet "Curine njive" – Općina Stari Grad Sarajevo i Opština Istočni Stari Grad

Na lokalitetu "Curine njive" (igralište u dijelu Istočnog Starog Grada) uočene su duboke pukotine, a voda i dalje otječe iznad tog područja. Na gornjem dijelu nasipa, koji je ranije odložen, nije uočeno stalno otjecanje vode, niti priliv vode u tijelo klizišta. Međutim, povremeni potok koji je prisutan u centralnom i

donjem dijelu padine/ nasipa počinje se gubiti u pukotinama, gdje se infiltrira u tijelo klizišta, što može smanjiti stabilnost terena. Ne izvode se radovi na kanalisanju vode iznad saobraćajnice, kao i u tijelu klizišta. Stanje na lokalitetu klizišta Curine njive nepromijenjeno u odnosu na prethodne dane, nema naznaka daljnjeg klizanja terena. Sve je prekriveno snježnim prekrivačem tako da se ne može ocijeniti stanje na terenu.

Prethodna mjerenja količine vode koja izlazi iz istočnog boka nasipa (izvršena od strane izvršena od strane stručnih lica "Rudarskog Instituta" d.d. Tuzla) pokazala su da iznos količine vode iznosi 2,2 l/min. Pojava vode u zapadnom dijelu klizišta, neposredno ispod nasipa, nije moguće precizno odrediti, ali postoji mogućnost da voda dolazi iz podzemnih kaptaža pod pritiskom nasipa i materijala na njemu.

Na ovom lokalitetu provodi se 24-satno osmatranje, a informacije se redovito dostavljaju operativnim centrima civilne zaštite, uključujući Općinski štab civilne zaštite Općine Stari Grad, te Operativnom centru Kantonalne uprave civilne zaštite KS i Zavodu za izgradnju KS. Služba civilne zaštite Općine Stari Grad zajedno s timovima zaštite i spašavanja stalno prati situaciju u cilju pravovremenog upozorenja ugroženog stanovništva i evakuacije ukoliko bude potrebno.

2. Lokalitet "Knjeginjac" – Općina Istočni Stari Grad

Na lokalitetu "Knjeginjac" 28.12.2024. godine utvrđeno je da na ovom području nisu u toku nikakvi građevinski radovi niti odlaganje nove količine zemljanog ili kamenog materijala. Također, od strane Opštine Istočni Stari Grad postavljeni su metalni stubovi i djelimično zaštitna ograda, koje ima za cilj sprječavanje eventualnog odlaganja nove količine zemljanog i kamenog materijala. Na deponiji kod objekta u izgradnji Hills Trebević nisu vidljiva nova odlaganja građevinskog niti drugog materijala dok zaštitna ograda i dalje nije završena.

3. Lokalitet "Bistrički potok" – Općina Stari Grad Sarajevo i Opština Istočni Stari Grad

Na lokalitetu Bistričkog potoka, koji se prostire na području Općine Stari Grad i Opštine Istočni Stari Grad, primjećeno je djelimično zasuto korito potoka materijalom sa deponije, obrušenim stablima i ranije posječenim stablima. Nema novih obrušavanja materijala ili stabala, niti uklanjanja prethodno odloženih materijala. Zbog snježnih padavina nije moguće precizno utvrditi trenutno stanje korita potoka.

4. Evakuacija stanovništva sa ugroženog područja Općine Stari Grad Sarajevo

Postupajući po Naredbi Štaba civilne zaštite Kantona Sarajevo (brojevi: 08-40-1128-2/24 od 01.11.2024. i 08-40-1128-2.1/24 od 20.11.2024.), Služba civilne zaštite Općine Stari Grad Sarajevo redovno vrši obilazak ugroženih stambenih objekata na područjima Bostarići, Ablakovina i Ablakovina čikma. Obilazak uključuje procjenu opasnosti i pripremu za moguću evakuaciju.

Prema Planovima evakuacije i zbrinjavanja stanovništva, Služba civilne zaštite i Služba za poslove mjesnih zajednica Općine Stari Grad Sarajevo poduzimaju potrebne aktivnosti za smještaj ugroženog stanovništva u sigurne smještajne jedinice koje je osigurala Općina Stari Grad Sarajevo.

Također, općinski štabovi civilne zaštite Općine Centar i Općine Novo Sarajevo pružaju stručnu podršku i koordiniraju s odgovarajućim službama za zaštitu i spašavanje.

U toku dana 28.12.2024. godine, Služba civilne zaštite Općine Stari Grad Sarajevo nastavila je saradnju s relevantnim institucijama u cilju pravovremenog poduzimanja mjera za zaštitu stanovništva. Služba civilne zaštite Općine Stari Grad Sarajevo i dalje prati stanje na terenu i poduzima potrebne mjere kako bi se spriječile eventualne nesreće. Na svim ključnim lokalitetima provodi se kontinuirano osmatranje i praćenje situacije, a informacije se redovito dostavljaju nadležnim operativnim centrima.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -5,5°C, vlažnost zraka 96%, barometarski pritisak 954,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a